

## Kukkunersiuisarneq pillugu Kalaallit Nunaannut nalunaarut

Kukkunersiuisut aamma suliffeqarfiit kukkunersiuinermik suliaqartut akuerisat pillugit inatsimmi § 13, imm. 6, aamma § 54, imm. 2 malillugit, kunngip peqqussutaatigut nr. 219 af 7. marts 2023-kkut Kalaallit Nunaannut atuutilersinneqartumi, aalajangersarneqarpoq:

### Kapitali 1

#### *Atuuffia*

§ 1. Uani nalunaarummi malittarisassat suliffeqarfinnut kukkunersiuinermik suliaqartunut, kukkunersiuisut pillugit inatsimmi kunngip peqqussutaatigut Kalaallit Nunaannut atuutilersinneqarsimasumi § 13 malillugu akuerisanut, atuutissapput.

### Kapitali 2

#### *Ateq*

§ 2. Suliffeqarfiup kukkunersiuinermik suliaqartup, tak. § 1, atiminik atuinerminut atatillugu takutissavaa akuerisaalluni suliffeqarfik kukkunersiuinermik suliaqartoq, taamaattoq tak. imm. 2.

*Imm. 2.* Suliffeqarfimmi kukkunersiuinermik suliaqartumi, taasisinnaatitaanerit amerlanersaat kukkunersiuisunit naalagaaffimmit akuerisanit imaluunniit suliffeqarfinit kukkunersiuinermik suliaqartunit naalagaaffimmit akuerisanit, tassa kukkunersiuisunit nalunaarsugaasunit aammalu immikkut suliffeqarfinit kukkunersiuinermik suliaqartunit nalunaarsugaasunit pigineqarpata, taava taakkua piginnaatitaapput imminnut taagussallutik "suliffeqarfiit kukkunersiuinermik suliaqartut naalagaaffimmit akuerisat" aammalu immikkut "suliffeqarfiit kukkunersiuinermik suliaqartut nalunaarsugaasut", tak. inatsimmi .§ 13, imm. 4.

*Imm. 3.* Suliffeqarfimmi kukkunersiuinermik suliaqartumi, taasisinnaatitaanerit amerlanersaat kukkunersiuisunit imaluunniit suliffeqarfinit kukkunersiuinermik suliaqartunit pigineqarpata, inatsisitigut piunasaqaataasumik ukiumut naatsorsuutit aamma ukiumut naatsorsuutit isumannaallisakkat kukkunersiorneqartarnerat pillugu Europa-Parlamentip aamma Rådetip peqqussutaanik 2006/43/EF-imik naammassinnikkut, allannngortinneqartoq peqqussutikkut 2014/56/EU-kkut, malittarisassat malillugit akuerisanit, nunani allani suliffeqarfinit taagueraatsinik atuinerminnut atatillugu takutissavaat, suliffeqarfik kukkunersiuinermik suliaqartoq suliffeqarfiusoq kukkunersiuinermik suliaqartoq akuerisaq.

### Kapitali 3

#### *Taasisinnaatitaanerit*

§ 3. Suliffeqarfik kukkunersiuinermik suliaqartoq qaqugukkulluunniit suliffeqarfimmi kukkunersiuinermik suliaqartumi taasisinnaatitaanernik pigisaqartut ataasiakkaat nalunaarsorsimaffiannik nutarterneqartartussamik pigisaqartassaaq, tassani atit tamarmik aammalu atuuffik kiisalu taasisinnaassutsit amerlassusaat ilanngunneqarsimassallutik. Nalunaarsorsimaffik kikkunnit tamanit aaneqarsinnaassaaq.

*Imm. 2.* Erhvervsstyrelseni qaqugukkulluunniit suliffeqarfimmi kukkunersiuinermik suliaqartumi pigisaqartut taasisinnassusaata amerlassusaannut tunngatillugu paasissutissanut toqqortanut aamma nutartertakkanut isersinnaajuaassaaq.

*Imm. 3.* Inuit pineqartillugit, suliffeqarfimmi kukkunersiuinermik suliaqartumi atorfeqarneri ilanngunneqassapput, kiisalu suliaqartutut taaguutaat, inatsisitigut piumasaqaataasumik ukiumut naatsorsuutit aamma ukiumut naatsorsuutit isumannaallisakkat kukkunersiorneqartarnerat pillugu Europa-Parlamentip aamma Rådetip peqqussutaani 2006/43/EF-mi, allanngortinneqartoq peqqussutikkut 2014/56/EU-kkut, malittarisassat naapertorlugit pisinnaatitaanerat malillugu.

*Imm. 4.* Inunnut inatsisitigut pisinnaatitaasunut pisussaatitaasunullu CVR-nummer ilanngunneqassaaq. Inuit inatsisitigut pisinnaatitaasut pisussaatitaasullu § 2, imm. 3-mi ilaatinneqartut, nunami angerlarsimaffimminni nalunaarsugaasimanermut normortik ilanngutissavaat. Aammattaaq ilanngutissavaat suliffeqarfiunerlutik kukkunersiuinermik suliaqartut peqqussummi taaneqartumi imm. 3-mi malittarisassat malillugit akuerisaasut. Inuit inatsisitigut pisinnaatitaasut pisussaatitaasullu nutarterneqartartussamik taasisinnaaneq imaluunniit ilaasortaaneq pillugu nalunaarsorsimaffimmik pigisaqassapput, tassani atit tamarmik kiisalu taasisinnaassutsit amerlassusaat ilanngunneqassallutik. Nalunaarsorsimaffik taanna qaqugukkulluunniit Erhvervsstyrelsenimit aaneqarsinnaassaaq.

§ 4. Taasisinnaatitaaneq taamaallaat taasisinnaatitaanermik piginnittumit atorneqarsinnaassaaq.

*Imm. 2.* Piginnittoq imm. 1 apeqqutaatinnagu suliffeqarfiup kukkunersiuinermik suliaqartup ataatsimeersuarnerani fuldmægtigimik sinniisoqarsinnaavoq. Kukkunersiuisumut akuerisamut fuldmægtigi nammineerluni kukkunersiuisuussaaq akuerisaq.

#### *Taasisinnaatitaanernik tunniussineq*

§ 5. Suliffeqarfimmi kukkunersiuinermik suliaqartumi taasisinnaatitaanernik tunniussineq taamaallaat pisinnaavoq aqutsisut akuersereersimanerisigut, taamaattoq tak. § 8 aamma §§ 10-11.

*Imm. 2.* Suliffeqarfik kukkunersiuinermik suliaqartoq malittarisassani imaluunniit isumaqatigiissutini assingusuni, suliffeqarfimmi pissutsinut attuumassuteqartuni, akuersissuteqartarneq pillugu malittarisassanik erseqqinnerusunik aalajangersaassaaq.

#### Kapitali 4

##### *Atuukkunnaarneq*

§ 6. Suliffeqarfimmi pissutsit kukkunersiuisut pillugit inatsimmi kunngip peqqussutaatigut Kalaallit Nunaannut atuutilersinneqarsimasumi § 13-imik unioqutitsilerneranniit kingusinnerpaamik qaammatit 3-t qaangiutsinnagit piumasaqaatinik naammassinnittoqassaaq imaluunniit aalajangiisoqassaaq, suliffeqarfiup suliffeqarfimmut allamut kukkunersiuinermik suliaqanermiik allaanerusumik suliaqartumut nuunneqarnissaanik. Suliffeqarfik kukkunersiuinermik suliaqartoq piffissarititaasup iluani pisariaqartumik aalajagiinngippat, imaluunniit suliffeqarfimmut allamut kukkunersiuinermik suliaqanermiik allaanerusumik suliaqartumut nuutsinissamik aalajangiippat, taava suliffeqarfik kukkunersiuinermik suliaqartoq, imaluunniit taanna, suliffeqarfik sinnerlugu iliuuseqartoq, piaarnerpaamik tamanna suliffeqarfiit kukkunersiuinermik suliaqartut nalunaarsorsimaffiannut nalunaarsussavaa imaluunniit Erhvervsstyrelsenimut nalunaaruteqarluni, tassanngaanniillu kingorna suliffeqarfik kukkunersiuinermik suliaqartoq nalunaarsuiffimminngaanniit peerneqassalluni.

*Imm. 2.* Suliffeqarfiup kukkunersiuinermik suliaqartup inatsimmi § 13, imm. 5-imi aalajangersagaq, aqutsisoqatigiinni amerlanerussuteqarnissamik piumasaqaat naammassinnikkuniuk, taava suliffeqarfiup pissutsit sapaatit akunneri 7-t qaangiutinnginneranni aaqqissavai. Piffissarititaasup qaangiutinnginnerani pissutsit aaqqinneqarsimanngippata, taava suliffeqarfik kukkunersiuinermik suliaqartoq imaluunniit taanna, suliffeqarfik sinnerlugu iliuuseqartoq, suliffeqarfiit kukkunersiuinermik suliaqartut

akuerisat nalunaarsorsimaffianni suliffeqarfiup peerneqarnera piaarnerpaamik nalunaarsussavaa imaluunniit Erhvervsstyrelsenimut nalunaaruteqarluni, tamatuma kingornalu tassanngaanniit suliffeqarfik nalunaarsorsimaffimmiit peerneqassalluni.

### *Tooqqorsineq*

§ 7. Kukkuersiuisut pillugit inatsimmi kunngip peqqussutaatigut Kalaallit Nunaannut atuutilersinneqarsimasumi § 6 malillugu, kukkuersiuisup akuersissutiminik inissiisup, taasisinnaatitaanerit 10 pct.-ii angullugit taamaallaat pigisinnaavai, tak. inatsimmi § 13, imm. 2, 2. imm.

*Imm. 2.* Taamaattoq imm. 1-imi killiliineq atuutinnigilaq, kukkuersiuisoq akuersissutiminik inissiisoq, suliffeqarfimmi kukkuersiuinermik suliaqartumi atorfeqarpat, imaluunniit sulisut pillugit aaqjissuussinermut atatillugu, tak. inatsimmi § 13, imm. 2, nr. 3.

### *Akiliisinnaajunnaarneq*

§ 8. Taasisinnaatitaanernik pigisaqartoq akiliisinnaajunnaarpat, aamma suliffeqarfiup kukkuersiuinermik suliaqartup kukkuersiuisut pillugit inatsimmi kunngip peqqussutaatigut Kalaallit Nunaannut atuutilersinneqarsimasumi § 13, imm. 2-mi piumasagaatit naammassiunnaarpagit, akiliisinnaajunnaarnermi pigisaninngaanniit taasisinnaatitaanerit iliuuseqarfigineqarsinnaapput.

*Imm. 2.* Akiliisinnaajunnaartup pigisaanik nakkutiginnittoq akiliisinnaajunnaartarneq pillugu inatsimmi malittarisassat malillugit immikkut ilisimasalittut ikiuissaaq, akiliisinnaajunnaartup taasisinnaassutaasa aqunneqarnissaanik pisariaqartitsineq naapertorlugu, kukkuersiuisut pillugit inatsimmi malittarisassat malillugit.

*Imm. 3.* Imm. 1 malillugu taasisinnaatitaanernik atuineq ingerlaannarsinnaavoq, akiilisinnaajunnaarnerup naammassillugu suliarinissaata tungaanut, taamaattoq akiliisinnaajunnaarnerup nalunaarutigineraniit sivisunerpaamik ukioq 1 tikillugu. Inatsimmi § 13, imm. 2-mi piumasagaatit naammassineqarnissaat siunertaralugu suliffeqarfik kukkuersiuinermik suliaqartoq piaarnerpaamik pineqaatissiissutissanik aalajangiissaaq.

*Imm. 4.* Suliffeqarfiup kukkuersiuinermik suliaqartup § 13, imm. 2-mi piumasagaatit naammassinngippagit, akiliisinnajunnaarnerup suliarereerneraniit imaluunniit ukiumik 1-mik piffissarititap qaangiunneraniit, suliffeqarfik kukkuersiuinermik suliaqartoq imaluunniit taanna, suliffeqarfik kukkuersiuinermik suliaqartoq sinnerlugu iliuuseqartoq, suliffeqarfiit kukkuersiuinermik suliaqartut nalunaarsorsimaffianni paaaneq nalunaarsussavaa imaluunniit Erhvervsstyrelsenimut nalunaaruteqarluni, taassumalu nalunaarsuiffimmiit suliffeqarfik kukkuersiuinermik suliaqartoq piissavaa.

*Imm. 5.* Suliffeqarfiup kukkuersiuinermik suliaqartup malittarisassamini imaluunniit isumaqatigiissutigisamini assingusuni, suliffeqarfimmi pissutsinut tunngatillugu aaqjiissuisuusuni, aalajangersinnaavavaa, akiliisinnaajunnaartup akiliisinnaajunnaartutut taasisinnaatitaanerit atorsinnaanngikkai. Tamatuma kingunerivaa, suliffeqarfiup kukkuersiuinermik suliaqartup pineqaatissiissutigissagaa suliffeqarfiit kukkuersiuinermik suliaqartut nalunaarsorsimaffianni paaaneq.

§ 9. Suliffeqarfik kukkuersiuinermik suliaqartoq akiliisinnaajunnaaruni, aamma suliffeqarfiup kukkuersiuinermik suliaqartup inatsimmi, kunngip peqqussutaatigut Kalaallit Nunaannut atuutilersinneqarsimasumi § 13, imm. 5-mi piumasagaatinik naammassinikkunnaarpat, akiliisinnaajunnaartup pigisaanik nakkutiginnittup suliffeqarfimmi kukkuersiuinermik suliaqartumi aqutsinikkut piginnaatitaaffiit ingerlassinnaavai.

*Imm. 2.* Akiliisinnaajunnaartup pigisaanik nakkutiginnittup akiliisinnaajunnaartarneq pillugu inatsimmi malittarisassat malillugit immikkut ilisimasalimmik ikiorteqarsinnaavoq, kukkuersiuisut pillugit inatsit naapertorlugu aqutsinikkut piginnaatitsinerit ingerlanneqarnerannut pisariaqartitsineq naapertorlugu.

*Imm. 3.* Imm 1 malillugu aqutsinikkut piginnaatitsinernik ingerlatsineq ingerlaannarsinnaavoq, akiliisinnaajunnaarnerup naammassineqarnissaata tungaanut, taamaattoq akiliisinnaajunnaarnerup nalunaarutigineraniit sivisunerpaamik ukioq 1 tikillugu. Inatsimmi § 13, imm. 5-mi piumasagaatit naammassineqarnissaat siunertaralugu suliffeqarfik kukkunersiuiernmik suliaqartoq piaarnerpaamik pineqaatissiissutissanik aalajangiissaaq.

*Imm. 4.* Suliffeqarfiup kukkunersiuiernmik suliaqartup inatsimmi § 13, imm. 5-mi piumasagaatit naammassinngippagit, akiliisinnaajunnaarnerup naammassineqarnerani imaluunniit ukiumik 1-mik piffissarititap qaangiunnerani, taava suliffeqarfik kukkunersiuiernmik suliaqartoq, imaluunniit taanna, suliffeqarfik sinnerlugu iliuseqartoq, piaartumik Erhvervsstyrelsenimut nalunaaruteqassaaq, tassangaanniillu kingorna suliffeqarfik kukkunersiuiernmik suliaqartoq nalunaarsuiffimminngaanniit peerneqassalluni.

*Imm. 5.* Suliffeqarfiup kukkunersiuiernmik suliaqartup malittarisassamini imaluunniit isumaqatigiissutigisamini assingusuni, suliffeqarfimmi pissutsinut tunngatillugu aaqqiissuisuusuni, aalajangersinnaavaa, akiliisinnaajunnaartup pigisaanik nakkutiginnittup aqutsinikkut piginnaatitaanerit ingerlassinnaassanngikkai. Tamatuma kingunerivaa, suliffeqarfiup kukkunersiuiernmik suliaqartup suliffeqarfinnik kukkunersiuiernmik suliaqartunik akuerisanik nalunaarsuiffimmi piiaaneq pineqaatissiissutigissagaa.

### *Siunnersortissaliineq*

§ 10. Taasisinnaatitaanernik pigisaqartoq oqartussat pillugit inatsit kunngip peqqussutaatigut Kalaallit Nunaannut atuutilersineqartoq malillugu siunnersortissalerneqaruni, aammalu suliffeqarfiup kukkunersiuiernmik suliaqartup kukkunersiuisut pillugit inatsimmi kunngip peqqussutaatigut Kalaallit Nunaannut atuutilersineqarsimasumi § 13, imm. 2-mi piumasagaatit naammassisinnaajunnaarunigit, siunnersortissatut toqqarneqartup suliffeqarfimmi kukkunersiuiernmik suliaqartumi taasisinnaatitaanerit atorsinnaavai.

*Imm. 2.* § 8-mi imm. 2-5 naleqqussaanernut pisariaqartunut assinganik atuutissapput.

### *Toqusogarnerani*

§ 11. Taasisinnaatitaanernik pigisaqartoq toquppat, aamma suliffeqarfiup kukkunersiuiernmik suliaqartup kukkunersiuisut pillugit inatsimmi kunngip peqqussutaatigut Kalaallit Nunaannut atuutilersineqarsimasumi § 13, imm. 2-mi piumasagaatit naammassisinnaajunnaarpagit, akiliisinnaajunnaarnermi toqusup pigisaanik isumaginnittup taasisinnaatitaanerit atorsinnaavai.

*Imm. 2.* § 8-mi imm. 2-5 naleqqussaanernut pisariaqartunut assinganik atuutissapput.

## Kapitali 5

### *Pillaatissatut aalajangersagaq*

§ 12. Nalunaarummi uani §§ 2-11-nik unioqqutitsinerit akiliisitaanermik pineqaatissinneqassapput.

*Imm. 2.* Unioqqutitsineq aktianik piginneqatigiiffimmit, piginneqatiiffinnit, andelselskabimit assigisaannilluunniit (inuit pisinnaatitaasunit pisussaatitaasunillu) pisimappat, taava pillagaasutut akisussaaffilerneqarsinnaapput pinerluttulerinermik Kalaallit Nunaannut inatsimmi kapitali 5-mi malittarisassat malillugit.

## Kapitali 6

### *Atuutilerfia*

§ 13. Nalunaarut atuutilissaaq 15. april 2024.

*Imm. 2. Kukkuersiuisarneq pillugu Kalaallit Nunaannut nalunaarut nr. 803, 28. juli 2008-meersoq atorunnaassaaq.*

*Erhvervsstyrelsen, ulloq 10. april 2024*

Jørgen Wissing Jensen

/ Philip Frey